



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 1000. Usque Ad Annum 1063

Fleury, Claude

August. Vind. [u.a.], 1761

VD18 90117956

§. 16. Alexii Patriarchæ Constitutio.

[urn:nbn:de:hbz:466:1-66323](https://nbn-resolving.org/urn:nbn:de:hbz:466:1-66323)

§. XVI.

Sæculum XI.
A.C. 1027.*Alexii Patriarchæ Constitutio.*

Constantinopoli Alexius Patriarcha cum ^{Jus Græc.}
Episcoporum in Regia versantium ^{Rom. lib. 4.}
Concilio, quod *Synodos endemûsa* dice- ^{p. 250. Post.}
batur, Constitutionem edidit, in qua va- ^{Zonar. pag.}
rii Articuli, ad Disciplinam pertinentes, ^{786.}
definiti. Nam primo non nullorum Epi- ^{Sup. lib.}
scoporum improba industria onera Dice- ^{XXVIII.}
cesis præstanda in Archiepiscopos seu ^{§. 19.}
Metropolitæ devolvebantur, quia illi,
ut præceptam pecuniam dare non coge-
rentur, redditus suos in usus illicitos con-
vertebant, & e suis Diocæsesibus discede-
bant. Credo, hic sermonem esse de pen-
sionibus Imperatori ab Episcopis solven-
dis, ut vidimus, atque ea a Metropoli-
tis fuisse exacta, quæ Episcopi in ipsorum
Provinciis præstare neglexerant. Ut
huic malo medicina pararetur, præcipi-
tur, ut Metropolitæ œconomos consti-
tuant in Diocæsesibus, quæ damni causa
fuerunt, donec illud fuerit resarcitum,
item in illis, unde simile damnum sive ob
solicitudinem, sive ob nequitiam Episcopo-
rum sibi emerfurum timent, Curatores
nominent, qui cum Episcopis Ecclesiarum
redditus cognoscant, eorum rationem sin-
gulis annis exigant, & ex iis, quæ super-
fuerint, Metropolitam indemnem ser-
vent, aut Ecclesiæ addicant.

Sup. l. LVI
§. 22.

Affe-

Sæculum XI. Afferuntur etiam Querelæ contra
A.C. 1027. Episcopos, qui Bona Ecclesiarum suarum
 dispergebant, Curatoris officium in alie-
 nis fundis suscipiebant, & negotiis Sæcu-
 laribus temere implicabantur. Hi, sub
 comminatione Depositionis, errata emen-
 dare jubentur. Item querelæ leguntur
 adversus eos, qui suo arbitrio Conciliis
 Provincialibus non intererant, nullam
 causam afferentes. Rursus contra illos,
 qui Jura Fratrum suorum violabant, Cle-
 ricos extraneos ordinantes. Prohibetur,
 ne Clerici ex una Provincia in aliam sine
 Episcoporum suorum literis migrent.
 Istud maxime ad urbem Constantinopo-
 litanam spectabat, quo ex omnibus par-
 tibus confluebant Clerici, rei, innocen-
 tes, legitime ordinati, non ordinati, Or-
 dinis sui ministerio impune fungentes.

Præcipitur, ut limites Jurisdictionis
 Ecclesiasticæ non contemnantur, sed de
 causis inter Clericos aut Monachos mo-
 tis Episcopus, & de causis Episcoporum
 Metropolitæ cognoscant, qui si judicare
 neglexerint, res ad Patriarcham & ejus
 Synodum deferatur. Districte prohibe-
 tur, ne quis Clericus aut Monachus Ju-
 dices sæculares adeat, juxta Decreta
 ipsorum Imperatorum, & non obstante
 privilegio, quod Monasteria Imperialia
 sibi ipsis arrogabant.

Episco-

Episcopi illo ordine sedeant, quem ^{Sæculum XI.} ipforum Metropolitæ tenent. Tandem ^{A. C. 1027.} damnatur abusus circa Oratoria domestica; nam viri potentes ambitiose jubebant campanas pulsari, congregari populum, Officium celebrari, quin & Baptismum conferri, putantes sufficere, quod in tali loco Crux auctoritate Patriarchæ vel Episcopi collocata fuisset. Itaque secundum hoc Decretum: Episcopi ejusmodi licentiam nemini tribuant. Presbyteri sub pœna Depositionis non præsumant, in illis Oratoriis aliud Officium, nisi solam Missam, & quidem diebus non Festis, celebrare. Laicis, qui huic Legi se non submiserint, Anathema denunciatur. Hæc Constitutio, quæ nomina viginti duorum Metropolitaram, & novem Archiepiscoporum, eam recipientium, præfert, de more illius ætatis Sigillo plumbeo munita, atque mense Januario, anno mundi 6536. Salutis millesimo vigesimo septimo data est.

§. XVII.

Monasteria in Commendam data.

In eadem Constitutione agitur de Monasteriis, quæ in Commendam Exteris committebantur. Cujus moris seu abusus exordium ad Iconoclastas referebatur, præsertim ad Constantinum Copronymum, illum Monachorum hostem infensissimum.

Jo. Antioch.
tom. I. Mon.
Gr. Cotel. p.
170.